

吳伯雄
編

陳壽祺全集

⑤



廣陵書社

陳壽祺全集



廣陵書社

第五册

五經異義疏證三卷 清陳壽祺疏證……………

三山陳氏本

五經異義疏證

嘉慶癸酉春僊遊弟子王捷南校鋟

五經異義漢許慎撰鄭玄駁隋唐經籍志著錄十卷宋
時已佚近人編輯斷存百有餘篇 聚珍板外有秀水
王復太陽湖莊保琛本嘉定錢大昭本曲阜孔廣林本
大抵摛拾叢殘以意分合孔本條理差優而強立區類
欲還十卷之舊非所敢從也嘉慶戊辰夏余養疴京邸
取而參訂之每舉所徵錄尤詳者若文多差互仍兩載
之其篇題可見者二十五事第五田稅第六天號第八
疊制三事篇次尙存其它以類相從略具梗槩復刺取
諸經義疏諸史志傳說文通典及近儒著述與許鄭相
發者以資稽覈間附蒙案疏通證明釐爲上中下卷踰

五年侍 太宜人里第暇日質之吾友甌寧萬世美而
及門僊遊王捷南爲鉞諸板序曰五經皆手定於聖人
羣弟子之學焉者微言大義靡不與聞然左丘明親造
邾受經公羊高穀梁俶咸卜子門人而春秋三傳乃若
瓜疇芋區之不可相合子輿游夏最善說禮服而檀弓
言小斂之奠東西異方司徒敬子之喪弔經異用公叔
木與狄儀之所爲服功衰異說何也周衰禮失舊聞寢
湮或疑文墜緒傳習錯出或繁節縛理儒者難言況其
後支裔益分門戶益廣則五經焉得無異義哉漢承秦
燔之餘學者不見全經經義多由口授古文始出壁中

經生遞傳各持師法寧固而不肯少變斯亦古人之質
厚賢於季俗之逐波而靡也夫其一致百慮殊塗同歸
豈謂一勺非江河之瀾卷石非泰華之壤乎哉但去聖久
遠枝葉日蕃不有折衷奚由遵軌此石渠白虎所以論
同異於前而叔重所以正臧否於後也石渠議奏之體
先臚衆說次定一尊覽者得以考見家法劉更生采之
爲五經通義惜皆散亡白虎通義經班固刪集深沒衆
家姓名殊爲疎失不如異義所援古今百家皆舉五經
先師遺說其體倣石渠論而詳贍過之自建武以後范
升陳元之徒忿爭謹譁頗傷黨伐永元十五年司空徐

防言太學試博士皆以意說不脩家法妄生穿鑿輕侮道術以爲博士及甲乙策試宜從其家章句開五十難以試之解釋多者爲上第引文明者爲高說是時師法已衰至安帝薄於藝文博士倚席不講經術之風微矣叔重此書蓋亦因時而作憂大業之陵遲抹末師之踳陋也許君又箸說文解字綜貫萬原當世未見遵用獨鄭君注儀禮既夕記小戴禮雜記周禮考工記嘗三僂之所以推重之者至矣顧於異義爲之駁者祭酒受業賈侍中敦崇古學故多從古文家說司農囊括網羅意在宏通故兼從今文家說此其判也案張懷瓘書斷叔

重安帝末年卒鄭公別傳康成永建二年生鄭視許爲
後進而繩糾是非爲汝南之諍友夫向歆父子猶有左
穀之違何鄭同室何傷箴之作聖道至大百世莫殫
仁者見仁智者見智蘄於事得其實道得其真而已庸
詎與夫悅甘而忘辛賤雞而貴鶩者哉今許鄭之學流
布天下此編雖略然典禮之闕達名物之章明學者循
是而討論焉其於昔人所譏國家將立辟雍巡守之儀
幽冥而莫知其原者庶乎可免也

嘉慶十有八年癸酉春正月福州陳壽祺自序

五經異義疏證卷上

漢太尉南閣祭酒汝南許慎撰 大司農北海鄭元駁

大清奉直大夫文淵閣校理翰林院編修 國史館總纂六級紀錄七次肅陳壽祺疏證

異義第五田稅今春秋公羊說十一而稅過於十一大

桀小桀減於十一大貉小貉十一稅天子之正（蒙案）當

之中正文見公羊宣十五年傳十一行而頌聲作故（蒙案）故當周禮國

中園廛之賦二十而稅一近郊十而稅一遠郊二十而

稅三有軍旅之歲一井九夫百晦之賦出禾二百四十

斛（原注）當云六百四十斛○（蒙案）四秉曰管十管芻秉

二百四十斛（原注）當云一百六十斛○（蒙案）二百釜米

五至五之義充各

十六斗謹按公羊十一稅遠近無差漢制收租田有上

中下與周禮同義

蒙案謹字舊脫今補

中下與周禮同義蒙案謹字舊脫今補予之閭也周禮制稅法輕近而重遠者爲民城道溝渠之役近者勞遠者逸故也其授民田家所養者多與之美田所養者少則與薄田其調均之而足故可以爲常法漢無授田之法富者貴美且多貧者賤薄且少美薄之收不通相倍蓰而上中下也

蒙案此五字當作而云上中下與周禮

同義未之思也又周禮六篇無云軍旅之歲一井九夫

白晦之稅出禾芻秉釜米之事何以得此言乎

周禮載師疏引

甌寧萬中書世美曰按禾米秉筭字同數異禾以

一把爲秉故秉之爲文从手从禾詩所謂彼有遺
秉是也四秉爲筥又謂之櫛詩所謂此有不斂穧
是也十筥爲稯把四十魯語所謂田一井出稯禾是
也十稯爲秬把四百聘禮所謂禾三十車車三秬是
也千二把此禾之數也米則五斗爲筥聘禮所謂米
三十車車秉有五數是也一秉之米凡一百六十
斗此米之數也許氏旣言出禾則當以把計不當
以斗斛計且聘記言二百四十斗者以明一車所
容耳非以釋秉也許以此句釋芻之秉又改斗爲
觔誤矣必如所言則聘禮所謂車三秬者凡爲禾

二十八萬八千斛非準海舶之量以爲車不能容
非千人之力不能挽也曾有是乎

蒙案魯語仲尼言先王制土其歲收田一井出稷
禾秉芻缶米不是過也許叔重稱周禮蓋出此說
文禾部耗引周禮曰二百四十斛爲秉四秉曰筥
十筥曰稷十稷曰耗四百秉爲一耗案此聘禮記
文惟彼斛字作斗疑許君所見本異又疑此出周
禮說故異義據之說文稱周禮曰三歲一祿五歲
一禘又稱周禮有郊宗石室皆屬周禮說非謂周
禮六篇有其文也文獻通考漢章帝建初三年詔

度田爲三品是漢制收田有上中下

案此亦見後漢書秦彭傳

異義左氏說山林之地九夫爲度九度而當一井數澤之地九夫爲鳩八鳩而當一井京陵之地九夫爲辨七辨而當一井淳鹵之地九夫爲表六表而當一井疆潦之地九夫爲數五數而當一井偃豬之地九夫爲規四規而當一井原防之地九夫爲町三町而當一井隰泉之地九夫爲牧二牧而當一井衍沃之地九夫爲井賦法積四十五井井字舊脫據惠氏校宋本禮記補除山川坑畝三十六井定出賦者九井則千里之畿地方百萬井除山川坑畝三十六萬井定出賦者六十四萬井長轂萬乘禮記

正義
王制

蒙案左氏傳襄二十五年正義引賈逵注說賦稅
差品與異義同是許所引左氏說卽賈逵說也周
禮小司徒云乃經土地而井牧其田野先鄭注井
牧卽春秋傳所謂井衍沃牧隰臬者也後鄭注云
隰臬之地九夫爲牧二牧而當一井今造都鄙授
民田有不易有一易有再易通率二而當一是之
謂井牧是二鄭與賈許說井牧同也然左氏說九
等與周禮禹貢又各有別孔穎達王制正義曰如
異義此說則方十里凡百井三十六井爲山川坑